



Broj/Број: 01/7-50-1-53-1a-14/04
Sarajevo/Сарајево: 14.04.2004.

Bosna i Hercegovina
PARLAMENTARNA SKUPŠTINA
BOSNE I HERCEGOVINE
SARAJEVO

Primljen:	21.5.04.		
Org. jed.	Broj	Prilog	Vrijednost

ZAPISNIK

sa 14-e sjednice Administrativne komisije Predstavničkog doma Parlamentarne skupštine Bosne i Hercegovine, održane u prostorijama institucija Bosne i Hercegovine dana 14.04.2004 godine sa početkom u 15,20 sati. Sjednica je završena u 15,45 sati.

SJEDNICI SU PRISUSTVOVALI ČLANOVI KOMISIJE: Jusufović Munib, Kragulj Nikola, Zorić Vinko, Blagojević Mirko, Ivo Miro Jović, Novaković Momčilo;

ODSUTNI ČLANOVI: Džaferović Šefik, Felić Hazim, Križanović Jozo;

OSTALI PRISUTNI: Hadžović Vedran, Sekretar Zajedničke službe Sekretarijata Parlamentarne skupštine Bosne i Hercegovine;

Četrnaestom sjednicom, Administrativne komisije Predstavničkog doma Parlamentarne skupštine Bosne i Hercegovine, **predsjedavao je Munib Jusufović.**

Za sjednicu je predložen

DNEVNI RED:

- 1) Usvajanje Zapisnika sa 13-e vanredne sjednice Administrativne komisije;
- 2) Razmatranje "Rezolucije o povlačenju iz procedure i uvođenju privremenog petogodišnjeg moratorijuma na sve zakone i odluke kojima se uvode nove privilegije izabranih dužnosnika u izvršnoj i zakonodavnoj vlasti" dr Zlatka Lagumdžije;
- 3) Razmatranje pismene reakcije Foruma parlamentaraca na Zakon o statusu poslanika;
- 4) Razmatranje Zahtjeva predsjedavajućih Klubova poslanika za iznalaženje prostora za rad Klubova i to:
 1. -Mješovitog kluba poslanika;
 2. -HDZ-Demokršćani;
 3. -Srpske demokratske stranke;
- 5) Završna rasprava po tački AD-8 (a) dnevnog reda 12-e sjednice Administrativne komisije i tački AD-1 dnevnog reda 13-e vanredne sjednice Administrativne komisije:
 - a. Davanje Tumačenja za primjenu tačke IX stav 3 Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine od 11. aprila 2000 godine;
 - b. Pitanje Ministarstvu inostranih poslova Bosne i Hercegovine o pružanju Ustavom i zakonima Bosne i Hercegovine garantovane zaštite građanima Bosne i Hercegovine u inostranstvu;

- 6) Razmatranje Zahtjeva Vinka Zorića, za dodjelu novčane pomoći u skladu sa tačkom XX stav 2 i 3 Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine broj: 01,02/7-126/00 od 11. aprila 2000 godine;
- 7) Završna rasprava po tački AD-6 i AD-7 dnevnog reda 12-e sjednice Administrativne komisije:
 - a. Inicijativa za izradu prečišćenog teksta Izbornog zakona Bosne i Hercegovine;
 - b. Inicijativa za ispravku štamparskih grešaka u Zakonu o izmjenama i dopunama Izbornog zakona Bosne i Hercegovine objavljenog u Službenom glasniku broj: 4 od 03.03.2004 godine;
 - c. Upozorenje na greške u prilogu uz Prijedlog Zakona o izmjenama i dopunama Izbornog zakona Bosne i Hercegovine;
- 8) Informacija sa 14-e sjednice Komisije za finansijske i administrativne poslove Doma naroda, održane 22.03.2004 godine:
 - a. Odluka o isplati poslaničkog paušala Zoranu Spasojeviću;
 - b. Dogovor oko aktivnosti na realizaciji Zaključka o zajedničkoj sjednici Kolegija Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine;
 - c. Usaglašavanje teksta Zaključka o izradi prečišćenog teksta Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine broj:01,02/7-126/00 od 4 maja 2000 godine donesenog na 12-oj sjednici Administrativne komisije sa tekstom Zaključka Komisije za finansijske i administrativne poslove Doma naroda;
- 9) Razmatranje Molbe Vulić Perice za odobrenje novčnih sredstava za plaćanje dvije novčane kazne izrečene za saobraćajni prekršaj;

Prisutni članovi Administrativne komisije Predstavničkog doma Parlamentarne skupštine Bosne i Hercegovine su jednoglasno usvojili predloženi dnevni red. Pošto je usvojen dnevni red, pristupilo se razmatranju istog, po pojedinačnim tačkama.

AD-1 Zapisnik sa 13-e vanredne sjednice Administrativne komisije, usvojen je jednoglasno bez primjedbi.

AD-2 Ova tačka dnevnog reda je jednoglasno odložena za narednu sjednicu Administrativne komisije.

AD-3 Ova tačka dnevnog reda je jednoglasno odložena za narednu sjednicu Administrativne komisije.

AD-4 Konstatovano je, da ova tačka dnevnog reda nije spremna za raspravljanje jer stručne službe Sekretarijata Parlamentarne skupštine Bosne i Hercegovine nisu u skladu sa Zaključkom sa 13-e sjednice Administrativne komisije dostavile Pregled prostora koji se trenutno koristi za rad klubova poslanika, kao ni snimak raspoloživog prostora za rad klubova. Na osnovu naprijed navedenog Administrativna komisija je jednoglasno usvojila

Zaključak

I-Obavezuju se Stručne službe Sekretarijata Parlamentarne skupštine Bosne i Hercegovine, da za narednu sjednicu Administrativne komisije, pripreme i dostave Pregled prostora koji se trenutno koristi za rad klubova poslanika, kao i snimak raspoloživog prostora za rad klubova.

AD-5 Ova tačka dnevnog reda je jednoglasno odložena za narednu sjednicu Administrativne komisije.

AD-6 Ova tačka dnevnog reda je jednoglasno odložena za narednu sjednicu Administrativne komisije.

AD-7 Ova tačka dnevnog reda je jednoglasno odložena za narednu sjednicu Administrativne komisije.

AD-8 Obrazloženje po ovoj tački dnevnog reda je dao Vedran Hadžović, Sekretar Sekretarijata Parlamentarne skupštine Bosne i Hercegovine.

- a) Vedran Hadžović je upoznao prisutne sa Odlukom o isplati paušala delegatu Zoranu Spasojeviću koju je donijela Komisija za finansijske i administrativne poslove Doma naroda Parlamentarne skupštine Bosne i Hercegovine na 14-oj sjednici održanoj dana 22.03.2004, te naglasio da Administrativna komisija, Predstavničkog doma naroda Parlamentarne skupštine Bosne i Hercegovine, također treba raspraviti ovo pitanje. Po datom obrazloženju Vedrana Hadžovića, Administrativna komisija je jednoglasno donijela

ODLUKU

I Odobrava se isplata poslaničkog paušala delegatu Zoranu Spasojeviću za period od 10.09.2003-25.03.2004 godine, u kojem je obavljao dužnost poslanika u Predstavničkom domu Parlamentarne skupštine Bosne i Hercegovine.

II Za izvršenje ove Odluke zadužuje se Računovodstvo Sekretarijata Parlamentarne skupštine Bosne i Hercegovine.

- b) Ova tačka dnevnog reda je jednoglasno odložena za narednu sjednicu Administrativne komisije.
- c) Ova tačka dnevnog reda je jednoglasno odložena za narednu sjednicu Administrativne komisije

AD-9 Po ovoj tački dnevnog reda, obrazloženje je dao Sekretar Administrativne komisije. Upoznao je prisutne sa Molbom u kojoj Vulić Perica traži odobrenje sredstava za plaćanje dvije novčane kazne izrečene zbog saobraćajnog prekršaja. Po datom obrazloženju, Administrativna komisija je, polazeći od činjenice da nisu predviđena sredstava za navedenu namjenu, a imajući u vidu da je dužnost vozača poštovati saobraćajne propise, jednoglasno donijela

ODLUKU

I Odbija se Molba Vulić Perice za odobrenjem sredstava za plaćanje dvije izrečene novčane kazne za saobraćajni prekršaj, koji je počinio dok je obavljao poslove i radne zadatke vozača u Sekretarijatu Parlamentarne skupštine Bosne i Hercegovine, kao neosnovana.

Pošto je iscrpljen dnevni red 14-e sjednice Administrativne komisije, predsjedavajući Administrativne komisije je obavijestio prisutne članove, da će biti odsutan do 26.04.2004 godine jer ide na službeni put. Predložio je, da ukoliko postoji potreba za zakazivanjem sjednice Administrativne komisije do navedenog roka, da narednom sjednicom predsjedava Kragulj Nikola

kao zamjenik predsjedavajućeg. Pošto su navedenu informaciju članovi Administrativne komisije primili k znanju, jednoglasno su donijeli

ZAKLJUČAK

Naredna sjednica Administrativne komisije zakazat će se po povratku predsjedavajućeg sa službenog puta.

Sjednica je završena u 15,45 sati.

Sekretar
Administrativne komisije
Đavorka Čaplinski

Predsjedavajući
Administrativne komisije
Munib Jusufović